

David Montalà i Palau, secretari generau deth Conselh Generau d'Aran

CERTIFIQUI:

Qu'ena Session Constitutiva deth Plen deth Conselh Generau d'Aran deth dia 18 de junh de 2019, s'adoptèc eth següent acòrd eth quau, a resèrva dera aprobacion der acta, ditz literaument çò que seguís:

“6au.- ELECCION DETH SINDIC D'ARAN (art. 41 LREA).-

En aguesta madeisha session constitutiva e en compliment de çò que dispause er article 41.4 dera Lei 1/2015, de 5 de hereuèr, deth Regim Especial d'Aran, se procedís ara eleccion deth sindic d'Aran entre es conselhèrs generaus, cossent damb eth procediment establìt en aguest article eth quau ditz:

“Entà èster elegit sindic eth candidat a d'obtier era majoria absoluta de vòts ena prumèra votacion. Se cap candidat non arrenh aguesta majoria, s'a de celebrar, ara seguida, ua dusau votacion, de quina en resulte elegit sindic eth candidat qu'age arrenhut eth major nombre de vòts. En cas d'egalizacion en aguesta dusau votacion, ei elegit sindic eth candidat corresponent ath partit politic, federacion de partits, coalicion electorau o agropacion d'electors qu'age un major nombre de conselhèrs generaus e, en cas de persistir era egalizacion, eth candidat deth partit politic, federacion de partits, coalicion electorau o agropacion d'electors qu'age arrenhut mès vòts en conjunt d'Aran.”

Era presidenta dera Mèsa d'Edat, Mgfca. Sra. Àngela Cases Andreu, demande as membres dera Corporacion qu'encapçalen es corresponents listres quini se presenten coma candidats ara Sindicatura d'Aran, en tot èster era responsa çò que seguís.

CANDIDATS	LISTRA ELECTORAU
Mgfc. Sr. Francés X. Boya Alós	UA-PSC-CP
Mgfc. Sr. César Ruiz-Canela Nieto	CDA-PNA

Ath respècte, eth secretari dera Mesa d'edat, Mgfca. Sr. Oriol Sala Sánchez, informe qu'eth sistèma normau d'adoptar acòrds ena corporacion ei er ordinari cossent damb er article 46.2.d) dera Lei 7/1985, de 2 d'abriu, Reguladora des Bases de Regim Locau. A despìet d'açò, se se vò elegir ath sindic d'Aran mejançant votacion nominau o secrèta, se requerirà era sollicitud de bèth grop en aguest sentit e èster aprovada per aguest Plen per majoria simpla en votacion ordinària.

Es grups politics decidissen, *per assentiment* des tretze (13) membres presents deth totau de tretze (13) que formen aguest organ collegiat, escuèlher eth sindic d'Aran mejançant votacion ordinària.

Un viatge sosmetudes es candidatures a votacion e debat, s'obtien **nau (9) vòts a favor deth candidat Sr. Francés X. Boya Alós** des conselhèrs Mgfc. Sr. Francés X. Boya Alós, Mgfca. Sra. Maria Vergés Pérez, Mgfca. Sr. Juan Antonio Serrano Iglesias, Mgfca.

Sr. Francisco Bruna Capel, Mgfc. Sr. Amador Marques Atés, Mgfc. Sr. José Canut Herraiz, Mgfc. Sra. Àngela Cases Andreu, Mgfc. Sr. Héctor Manero Vicente e Mgfc. Sr. Oriol Sala Sánchez e **quate (4) vòts a favor deth candidat Mgfc. Sr. César Ruiz-Canela Nieto** des conselhèrs Mgfc. Sr. César Ruiz-Canela Nieto, Mgfc. Sr. José Antonio Boya Quintana, Mgfc. Sr. Òscar Canut Cónsul e Mgfc. Sra. Rosa Maria Salgueiro Pujòs.

Eth secretari dera Mèsa d'Edat procedís ara enunciacion des resultats, en tot comprovar es vòts emetuts e eth quòrum d'assistents. Eth resultat dera votacion ei çò que seguís:

	En Letra	En Nombre
Vòts Emetudi	Tretze	13
Vòts Valids	Tretze	13
Vòts en Blanc	Zero	0
Vòts Nuls	Zero	0

de manèra que'es paperètes se distribuïssen dera següenta forma:

CANDIDATS	VÒTS OBTIENGUTS
Mgfc. Sr. Francés X. Boya Alós	Nau (9)
Mgfc. Sr. César Ruiz-Canela Nieto	Quate (4)

En tot èster tretze eth numerò de conselhèrs e sèt era majoria absoluta legau, demore proclamat Sindic d'Aran eth Magnific conselhèr qu'a obtiengut aguesta majoria absoluta, ei a díder, eth **Mgfc. Sr. Francés X. Boya Alós**, eth quau a obtiengut un nombre totau de nau (9) vòts a favor des tretze (13) vòts possibles.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb visteplatz deth Sindic.

Vielha, *signat electronicament*

Visteplatz
Eth Sindic

Francés X. Boya Alós